

Ministri vanjskih poslova Evropske unije sve zabrinutiji SCG i BiH moraju odlučnije hapsiti Karadžića i Mladića

Tokom deset godina međunarodna zajednica se igrala mačke i miša s Karadžićem i Mladićem, rekla je Karla del Ponte

BRISEL - Evropska unija zatražila je u ponedjeljak od Srbije i Crne Gore i Bosne i Hercegovine da "poduzmu odlučujuće mjere" u hapšenju osumnjičenika Međunarodnog kaznenog suda za bivšu Jugoslaviju Radovana Karadžića i Ratka Mladića.

Ministri vanjskih poslova 25 zemalja, okupljeni u Briselu, "obavezali su ove dvije zemlje da poduzmu odlučujuće mjere kako bi se dvojica optuženih - Radovan Karadžić i Ratko Mladić, konačno predali sudu u Hagu".

Ministri su podsjetili da je "cjelovita i potpuna suradnja s ICTY neophodna" radi pomirenja u regionu i približavanja Evropskoj uniji, javio je AFP.

Dinamika pregovora i eventualno zaključenje Sporazuma o stabilizaciji i pridruživanju s Beogradom i Sarajevom, prvi korak ka integraciji u EU, zavise od te suradnje.

Ministri su također izrazili "zabrinutost" primjedbama zvaničnika ICTY, formuliranim u decembru u UN.

"Tokom deset godina međunarodna zajednica se igrala mačke i miša s Karadžićem i Mladićem... Tokom tog dugog perioda mačke su odlučile da zartvore oči i dozvole miševima da bježe iz jedne u drugu rupu", rekla je glavna tužiteljica ICTY Karla del Ponte pred Vijećem sigurnosti UN.



Izražena zabrinutost stavovima ICTY

dićem... Tokom tog dugog perioda mačke su odlučile da zartvore oči i dozvole miševima da bježe iz jedne u drugu rupu", rekla je glavna tužiteljica ICTY Karla del Ponte pred Vijećem sigurnosti UN.

Ministri 25 zemalja su podsjetili na evropsku odlučnost da "olakšaju približavanje zemalja Balkana EU" pomoću praktičnih mjera, koje su imale za cilj da učine "evropske izgleda što opipljivijim".

Oni su "radosno dočekali" deklaraciju koju je u petak objavila Evropska komisija, koja želi olakšati trgovinsku razmjenu i saobraćaj ljudi između Balkana i EU.

Austrija, predsjedavajuća EU, koja tradicionalno podržava Balkan, organizirat će u martu u Salzburgu o toj temi neformalni sastanak ministara vanjskih poslova EU, kojima će se pridružiti njihove kolege iz balkanskih zemalja.

Reuters

CSIS o dolasku novog visokog predstavnika

Šiling dolazi tiho i diskretno

Prve dvije sedmice Šiling će razgovarati s najvažnijim donosiocima odluka u BiH

Novi, vjerovatno i posljednji visoki predstavnik Kristijan Švarc Šiling (Christian Schwarz Schilling) doći će u Ured visokog predstavnika tiho i diskretno. Radi se o promjeni u stilu rada visokog predstavnika u odnosu na Pediju Ešdauna (Paddy Ashdown), izjavio je u ponedjeljak direktor sarajevskog ureda Centra za evropske integracione strategije (CEIS) Senad Slatina, javila je Fena.

Prema informacijama iz najužeg štaba saradnika novog visokog predstavnika, najavljeno je da neće biti nikakvih buldožer-komisija, šljemova na glavi ili grandioznih govora u Parlamentu. Šiling će prve dvije sedmice svog mandata iskoristiti da u miru i bez velike pompe razgovara s najvažnijim donosiocima odluka u



Švarc Šiling u nedjelju je stigao u Sarajevo

BiH, a sa stranim je već u koordinaciji.

Prioriteti novog visokog predstavnika neće mnogo odudarati od preporuka koje je CEIS predstavio prošle sedmice, smatra Slatina. Između ostalog, CEIS je savjetovao Šilingu da ne ukida prebrzo bonske ovlasti te da ih koristi na način koji će omogućiti da se sama institucija visokog predstavnika što prije ukine. Također mu je savjetovano da se uključi u ustavne promjene te da nakon općih izbora u oktobru bude lider široke javne rasprave o novom ustavu koji će osigurati da zemlji više ne bude potreban visoki predstavnik.

Vijeće EU

Novi visoki predstavnik i formalno imenovan

BRISEL - Vijeće Evropske unije za opće i vanjske poslove imenovalo je u ponedjeljak i formalno Kristijana Švarca Šilinga za specijalnog predstavnika EU za Bosnu i Hercegovinu i pohv-

alilo dosadašnjeg specijalnog predstavnika EU i visokog predstavnika Pediju Ešduna za izvanredna postignuća za BiH i njenu evropsku budućnost, javila je Fena.

Zoran Stanković o saradnji s Hagom Konkretni rezultati će biti prihvatljivi

NIŠ - Ministar odbrane SCG Zoran Stanković izjavio je u ponedjeljak u Nišu da će se sastati s glavnom tužiteljicom Haškog tribunala Karlom del Ponte 6. februara u Beogradu te da će joj predočiti rezultate postignute u saradnju s tim sudom u prethodnom periodu.

"U pregovorima u kojima sam učestvovao, od nas su traženi konkretni rezultati", rekao je Stanković novinarima, komentirajući pitanje o rokovima za hapšenje i izručenje haških optuženika, javila je Fena.



Zoran Stanković

"Mi ćemo moći predočiti konkretne rezultate i mislim da će oni biti prihvatljivi", objasnio je on.

Dobitnici ratnih priznanja kod Hadžipašića



Ahmet Hadžipašić



Ahmet Sejdić

Ljiljanima i zaostale novčane naknade

Premijer Federacije BiH Ahmet Hadžipašić i federalni ministar za pitanja boraca i invalida odbrambeno-oslobodilačkog rata Zahid Crnić su u ponedjeljak tokom razgovora sa predsjednikom i sekretarom Saveza dobitnika najvećih ratnih priznanja Federacije BiH Ahmetom Sejdićem i Esadom Hidićem razmotrili aktuelna pitanja ove populacije, saopćio je Ured za informiranje Vlade FBiH.

Razgovarano je o implementaciji zaključaka Parlamenta FBiH u ostvarivanju mjesečne novčane naknade, primjeni Zakona o pravima ove kategorije i regulisanju statusa dobitnika najvećih ratnih priznanja i odlikovanja koji su

angažovani u Vojsci FBiH.

Budući da još nije usvojen bužet za 2006. godinu, premijer Hadžipašić će sa ministrom Crnićem na prvoj narednoj sjednici Vlade inicirati da se korisnicima, koji su po ranijoj uredbi Vlade primali mjesečne naknade od 129 KM, akontativno ovaj iznos isplaćuje od 1. januara 2006. godine, dok ne počne implementacija Zakona o pravima ove populacije.

Ako Vlada FBiH donese takvu odluku, korisnicima bi se ova naknada isplatila i za period od 1. jula do 31. decembra 2005. godine.

Također je zaključeno da se što skorije pokuša riješiti status dobitnika najviših ratnih priznanja.

SDA demantira lidera SBiH

Halilović je nerazgovijetno ponavljao nekakve fraze

Stranka demokratske akcije optužila je lidera Stranke za BiH Safeta Halilovića da je ovih dana u medijima iznio potpunu neistinu o sadržaju i toku pregovora za izmjenu Ustava BiH.

SDA tvrdi da je upravo zbog "principijelnog stava da na bilo koji način ne potvrdi ili osnaži dvoentitetsko uređenje BiH, odnosno u tom kontekstu i RS", njen predsjednik Sulejman Tihić

napustio pregovore u Vašingtonu.

"Nažalost, Halilović je ostao na razgovorima, vjerovatno spreman i da potpiše takav sporazum", kaže se u saopćenju SDA.

Također, SDA tvrdi da je tokom pregovora u Sarajevu Halilović "uglavnom mudro šutio, a kada se i javljao za riječ nerazgovijetno je ponavljao nekakve fraze koje je malo ko od pristutnih mogao čuti ili razumjeti".